

安陸府志卷之二十五之

貞烈列傳

比翼而飛以目而遊技有連理花有金頭結縉合  
豈人豈無儔死生遲速惟義是求傳貞烈

王妃

樊姬楚莊王妾王好獵姬諫不止乃不食禽獸肉王  
遂罷獵勤於政一日聽朝罷宴姬曰何晏也得無  
饑倦乎王曰與賢者虞丘子語爾姬笑曰虞丘相  
楚十餘年所薦非親則故未聞進一賢也王具告

安陸府志

卷三十五

一

之虞丘子不知所對遂薦孫叔敖爲相而楚國以  
霸

伯嬴平王夫人昭王母也吳入郢昭王亡吳王闔閭  
盡妻其後宮次至伯嬴伯嬴持劍曰妾聞天子者  
天下之表也諸侯者一國之儀也夫婦之道固人  
倫之始王教之端是以明王之制使男女不親授  
受坐不同席食不同器殊梳架異巾櫛所以別之  
也今君棄儀表以行事何以行令訓民且妾聞生  
而辱不若死而榮使君棄其儀表則無以臨國妾



有滄端則無以生世一舉而兩辱妾以死守不敢承命於是吳王慙而退

越姬越王勾踐女是昭王姬也王讌遊同姬乘駟馳逐登臺以望雲夢之囿觀士大夫逐者旣驩乃顧姬曰樂乎姬曰樂矣然而不可久也昔者先君莊王滯樂三年不聽政事終而能改卒霸天下妾以君王爲能灑吾先君將改斯樂勤於政也於是王悟敬姬之言

貞姬楚白公勝之妻白公死妻紡績不嫁吳王聞其安陸府志

卷五

二

美且有行使大夫持金百鎰白璧一雙聘焉以輜輶三十乘迎之將以爲夫人姬曰白公生時妾幸得克後宮托爲妃匹白公不幸而死妾願守其墳墓以終天年金璧之聘夫人之位非愚妾所聞也且夫棄義從欲者汙也見利忘死者貪也貪汙之人王何以爲哉妾聞之忠臣不借人以力貞女不假人以色妾旣不仁不能從死今又去而嫁不亦太甚乎遂辭聘吳王賢其守節有義號曰貞姬

郭妃明高祖第二十三子郢藩妃也父曰威襄公郭



英永樂乙酉冊封爲妃王薨妃痛哭曰賢王自幼待我如賓今我寡無子吾又安能獨生乃整粧對鏡自寫其容付宮人藏之云俟諸女長成付之令渠識母容也遂自盡

鍾祥

徐氏戴富妻夫死撫孤守節人罕見其面嘗從子至京鬻大作舟將覆徐氏泣而籲天頃之舟定人謂貞節所感

歐氏任通妻性剛烈寡言笑年二十餘夫死值凶歲幾不能存矢節愈堅紡績自給年八十三

周氏生員浦耀妻年二十夫死甘貧守節依父母家卒年七十

沈氏適吳文是年二十三夫死撫孤子教之業醫紡績自給甘貧五十年終始不渝卒年七十二

楊氏陸鏜妻鏜卒楊僅年十七撫遺腹子悲泣不止族有利其產者逼之再醮楊遂以產分之守節教子年六十八卒題其門曰全楚完節

黃氏生員張國詔妻夫死年二十一家貧無子姑勸



其改適乃毀面誓死年五十五卒

陳氏昭勇將卞王紹先妻自幼喜讀烈女傳紹死陳年二十餘事姑以孝聞撫二子成立奉特旨建坊旌表流寇陷城陳年八十餘竟自縊死

胡氏庠生胡穀女臨穎令李馥先妻今贈孺人年十七事姑以孝聞崇禎壬午闖賊犯境左師潰沿江擄掠夫計偕就道胡掖姑避南崗嶺遇亂兵胡手姑泣曰吾寧死姑側義不辱於賊溺水死之

畢氏顯陵衛千戶尹三聘母聘父死畢年二十三家安陸府志 卷十五 四 貧苦節撫子年八十六以壽終

陳氏適李姓早寡無舅姑子女歸父家自矢守節坐臥小樓足不下樓者三十年臨終謂其婢曰吾死慎勿以男子舁殮我家人忽其言令男子登樓舉之氣絕踰時矣起坐曰我何言而令若輩至此家人驚怖而下目乃瞑

周氏庠生陸豫元妻元死周年十七僅生一女家貧紡織養姑及姑卒葬具悉備壽六十二終

曾氏中書舍人張繼登妻城破義不受賊污自縊死



劉氏邑廩生陳大沃妻沃死年二十九力貧課子冰霜矢操子謨論俱有學行壽六十四

徐氏生員楊初泰妻城破抱十齡女投天坑水中賊欲救之誓不辱於賊竟投水死

王氏錦衣百戶周鼎臣媳罵賊被殺

從氏生員呂陪媳罵賊賊斷其手猶罵不絕口賊殺張氏胡璣妻城陷賊執欲辱之氏厲罵拒賊竟死

盧氏布政張垓妻封宜人垓死盧二十四歲教繼登紹登等遇亂備嘗艱苦冰操霜節數十年如一日

安陸府志

卷五十五

五

劉氏生員董繼舒妻年二十五夫亡哀毀志期同穴守節撫孤終始不變教子弘綱成名壽七十五

蔣氏生員高翔妻翔歿蔣茹荼飲冰訓長子峯舉鄉試次子岑舉明經壽七十三

陳氏生員王天倪妻年二十一夫亡無子力貧守節翁逼令嫁陳剪髮顛天誓甘歿守卒年五十五

邵氏陸葵元妻夫歿邵年二十一僅生一女守節五十五年冰操如一壽七十六

黃氏生員毛又遂母夫亡孀居苦節卒年六十



京山縣

唐氏年十八歸溫姓者昔年夫卒遺腹生一女配張  
璈氏與一義子相依爲生有欲奪之者誓死不從  
年八十五卒

黎氏適姜義生一女夫卒氏方二十三誓死不它年  
八十餘卒

張氏年十八適田子順二年夫死號哭幾絕以義女  
贅壻耕織自食雖母家不一往來年七十五

屈氏年二十適庠生嚴瓚生一女夫卒屈纔二十三  
安陸府志

卷三十五

六

父母欲其再醮以死自誓終身不渝

胡氏庠生唐與言妻夫卒無嗣胡守節四十餘年有  
司以聞詔旌其門

夏氏監生袁立妻年三十餘夫死妻子方在襁褓夏  
撫之至長亦死以族子爲嗣五十餘卒

丁氏適宋允孝纔六月夫卒氏伏墓哭七日七夜而  
死時年十七

魯氏適庠生王芳夫死年始十九誓不再醮年七十  
有三



魏氏適庠生黎忠數年夫卒父母以其年少欲令改節婦不從後歸魏氏恒持夫木主置之几席朝夕相對年五十六歲猶勵節不衰

黎氏兵部侍郎奭孫女適庠生高嵩嵩沒婦止二十餘歲誓不再醮年幾五十堅守如一日焉

熊氏太僕寺丞鳳儀女適庠生王宗著生一子夫卒育其子至八九歲亦卒其兄欲俾改醮婦聞之率婢僕往擊其門立碎宗著長兄御史宗茂浚加咨異作碎扉記萬曆十八年奉勅旨建坊曰栢舟完

節

潘氏適庠生祝喬年越七年而夫卒乃指天嚙衣袖以守節自誓十有餘年臨夫主哭奠猶如始喪終歲不出室門惟姑楊氏時相見問而已

郝氏邑廩生馮中妻夫與棘試暴病卒氏方十七米藁自矢撫養八月遺孤年八十有二

孫氏孫鹿峯孝廉女適光祿署丞劉希傳年甫二十孀居守四十餘年貞操如一日

田氏劉孝廉子世則妻其子歸時夫已病朝夕供藥



餌竟三年不起氏之父母憂思乃荅曰生爲劉氏婦死爲劉氏鬼耳夫卒輒引繩欲絕侍婢阻之其姑命兩奴傳其母命兩翁環守企意解氏給守者出閉戶自經以死

李氏許配祝姓年十五未適門壻病卒父母欲其改醮女佯許之自治孝服同母往拜柩前一病幾絕遂不歸與姑同寢紡績以供養食丙子以不從賊死之

李氏邑生員李位女適胡應科翁靜嫻文則夫死十

安陸府志

卷五

八

其慥甫十齡矢志撫孤內外難作卒保乂其家課子成名官至大叅壽六十有五李宗伯有節婦銘

謝氏年十六適興安州守李鍾元相夫成進士隨任侍養公姑盡職李公卒於官時年未三十扶櫬還里道過秦嶺謁嶽靈爲誓曰夫往矣有子女在半生隱血恃有神鑒由是嚴靜自守數子撫女皆有成治家整肅動繩禮則苦節六十八年卒

袁紳妻楊氏袁勳妻鄔氏勳子昌邇妻李氏任西十里舖崇禎丙子遇賊不從罵不絕口賊決其目而



死猶執二子於手賊竒之釋其子

王氏松江通判王塤女適李紹桐避兵花堰臺值亂  
兵猝至欲犯之氏捨地籲天犁面自矢湧身入響  
水潭中夫從之相攜赴水死

張氏朱若士妻若士臨終囑其再醮張郎以死許夫  
未幾郢有羅廣生者聞其姿逼娶之張曰君葬吾  
夫郎如命羅爲營墓畢雪夜潛出小東門外投死  
花臺堰中時康熙元年冬月也

羅氏年十四適太學生湯宗訓夫死年十九有子誓  
安陸府志

卷五

九

死撫之未幾子死就養兄第家年七十卒

聶氏邑廩生胡檄妻年二十九夫喪破面毀形足不  
竄戶邑令議表其門皆固辭年八十三終



潛江縣

高氏朱進妻幼通孝經其舅朱真任廣東英德縣尹同夫隨侍舅姑年二十生二子隆方二歲盛方六日舅姑與夫俱亡高氏扶三喪歸故里以禮安厝鄉人稱爲孝婦孀居六十餘年八十卒

柳氏李本溶妻年十九生子琇二歲琇甫三月而夫亡柳閉門謝鉛華紡績織紉以爲生業父母憐其年少子幼逼之再醮乃奮然投水幸不死遂不復強至老不變其節

安陸府志

卷三五

十

朱氏生員謝賢妻年二十三歲生子珪二歲夫亡父母憐其子幼家貧逼之再醮朱氏泣抱子曰若爲我計得矣如此孤何不若抱之投河則母子俱安父母不復強乃躬勤紡績以訓子立家至老不易鄉里贊之

蔣氏梁宣文妻文病卒蔣年二十六遺孤甫兩月誓無他志富隣厚賄其舅欲強娶蔣聞抱子投河幾不救遭舅姑喪親負土成墳鄉里憐之家貧常不給族人或勸再醮蔣奮然剪髮斷葷自是不敢復



言隆慶三年漢水夜漲隣居皆陷獨蔣居如故晨  
起亟遷始陷聞者皆以爲孝節所感云萬曆二十  
一年奉特旨旌表

胡氏生員劉堪妻夫亡無子旬日泣血絕水穀舅曰  
柰吾老何則勉起葬夫畢結廬墓左歲一再歸省  
舅會大水漲塋圍如盂親負畚鍤障之竟弗潰隣  
有火哭叩呼天風乃反歲饑盜起家人勸且歸避  
胡曰吾貧嫠也卽不測正吾死所竟免邑令上其  
事表揚數四萬曆二十二年奉俞旨旌其門

安陸府志

卷五

七

李氏初薦妻年十七適薦甫四月薦亡無子倚喪痛  
哭數日不食誓死以殉姑泣勸曰死固婦職吾老  
曷依則有俱死爾遂勉稍粥奉姑別處一室自伏  
臘拜姑外病臥不起食動經旬月族里驚異以爲  
神人姊妹行有夜叩訪者曰寡婦門夜何來閉不  
許見守節踰三十年如一日萬曆七年疾革謂姑  
曰吾事畢矣柰姑何遂哽咽而絕闔邑哀之無費  
賤長少咸造奠焉萬曆二十六年奉旨旌其門  
陳氏諸生方應奎妻也年十七歸應奎生二子曜照



奎亡陳哀毀以死自矢父母憐其少微諷之不應  
因引刀割面曜爲諸生孫盛舉孝廉年七十八歲  
卒

郭氏修職郎之垣女也年十九適郢諸生曾士文三  
年士文卒郭哀毀水漿不入口夜自經姑慰之強  
起哀毀骨立旣葬復哭其父慟絕弗食卒年二十  
二歲

郭氏太學生劉采妻學士肇國臨桂令信國繼母幼  
適劉門不數年而寡守節四十餘年順治五年巡

安陸府志

卷五

十一

按御史王公彙題旌表屢經上臺給粟布優崇  
之



沔陽州

熊氏袁子傑妻夫卒年僅二十有四守節終身有司以聞詔旌其門

王氏沔陽衛軍人馬把攬妻夫從軍亡王年僅二十有五貧苦無依守節至死永樂間事聞詔旌其門任氏少歸武林吳景景歿任年止二十有五嫻黨以其少欲奪其志輒號泣不食誓以死守躬自訓子十歲猶不命出戶姑患痿痺卽與同寢處左右抱持夜每焚香籲天乞以身代有嘔吐則舉盃以俟

安陸府志

卷三十五

十三

急卽以手奉之姑歿竟蔬食不茹葷从墓得白兔二人以謂孝感弘治戊申有司以聞詔以節孝旌其門後以子欽貴封太安人年八十三終葬沔陽周氏高論妻論卒生遺腹子昕守節終身

高氏沔陽人適武昌吳紋紋卒無子高守節四十餘年正德中旌表

費氏丘思賢妻思賢卒時年二十有五守節年八十有四終知州咸復其家

李氏丘容妻費之婦也容卒年十有九遺腹生子富



終身誓死無他志姑婦並以清節相繼後先

朱氏左祥妻夫卒年十有九守節終身

傅氏王瑞妻瑞卒傅年一十九歲遺腹生子鳳守節五十五年卒

張氏童晟妻晟卒遺腹生子承祚守節年八十有餘石氏左祐妻祐祥弟也卒時石年十有八子宣生甫三月守節至老持行端莊左氏二婦並以節聞

鄭氏胡鶴妻夫歿年二十五歲誓死以殉姑勉諭乃止哭夫喪明孀居五十餘載萬曆二十八年被旌

安陸府志

卷三十五

十四

子廷順為大丞

余氏胡維垣妻夫沒誓死不嫁華門圭竇穴戶以通飲食自青年以迨白首終始一致年八十餘以壽終萬曆三十三年奉旨旌異

呂氏許州守昌公瀾女嫁庠生劉三謨八月而夫夭誓不獨生以姑勉諭強起治喪生遺腹子錫元撫之年六十終錫元亦以孝聞

蕭氏庠生李登龍妻夫歿以舅姑老不克從地下無子子其侄食董茹荼其甘如飴



張氏庠生張庠女嫁胡氏子夫死養其姑相依爲命  
姑死乞貸治喪貧轉甚就食於父家人罕見其面  
者

王氏唐旻妻年二十六夫歿撫遺孫鑑守節四十五  
年鑑歿其妻李氏亦遺一子守節四十七年稱  
唐氏雙節

彭氏沙鎮人王建清妻夫亡年二十四奉翁姑盡孝  
守節四十年

陸氏胡宗妻宗卒年二十速歿自決族人以大義爭  
安陸府志

卷五

五

之奉姑撫子六十而終  
郭氏曾聯妻聯歿郭方十九歲以身殉者再父母救  
之獲免旣而舉遺腹子哺且教之父母舅姑強奪  
其志郭投繯剪髮以絕之終不可奪年六十卒  
胡氏王簡修之妻年十八夫卒胡絕食而號姑強生  
之養姑教子守節五十餘年卒

喻氏蘓少槐妻夫歿方少堅誓無他志拊養遺腹子  
茹苦終身里人以貞節歸之

鄭氏魏人趙鈺之妻性剛烈不可犯以非禮嘗有人



饋茶餅問之云某寡婦更適人大怒且罵命傾之夫鈺戲曰若勿罵人爾夫幸不歿耳歿則茶餅亦如是誰傾爾乎鄭正色曰某必不忍爲君勿憂一日鈺疾不可起將就木迴視鄭瞪目不瞑鄭曰君得無疑我乎卽解行纏經死於鈺之旁鈺復甦轉盼出淚而絕

陳氏隄人黃日芳妻也芳令霍丘三年乙亥春寇自穎突至城中守者力盡陳傳鄉老告曰今日之事有死無二願與百姓誓之城將破抱妾雲氏子昇

老嫗俱出又顧妾李氏曰吾無德於汝當舍我李泣不去衣相結臂相約各以青幅蒙首密繫於頸遂往治後赴水歿霍人爲祠祀之名曰雙烈

劉氏譚世誼妻夫死守節四十八年其先祖姑王氏亦年三十餘而寡壽至九十七州守廉得兩母貞烈申請旌表

朱氏生員蕭維芹妻范氏張氏維芹兩子媳蕭氏維芹女癸未爲流賊所執俱大罵赴河歿里人稱爲四節婦



章氏御史沈正隆妻年僅二十二夫卒撫子繼登爲諸生繼登又卒同媳楊氏撫教孫嗣舉丁酉鄉試時年七十有四

曹氏王榜妻榜年二十五卒氏年甫二十三孤胤煜始齟氏孀居三十餘年操持辛苦如一日胤煜中

康熙癸卯鄉試

陶氏貢生黃日華妻夫蚤逝事姑撫子竭盡心力子里以歲貢知江西蘄縣陶敦以無負國無負民庶不負孀母也至今聽人頌之卒年七十六

安陸府志

卷三十五

七

余氏劉楚珍妻夫死子宗何僅四歲余孀居三十八年勤儉自立見其子成進士年六十八歲乃卒

易氏王繼所妻廩生顯奇母也夫卒易年二十六奇生甫數歲易手續自給課其子補諸生食廩癸卯秋病篤呼兒與媳曰余與兒相依爲命者四十五年今將見汝父於地下兒壯且有志而父母瞑目無恨矣言畢而逝

陶氏年十八適郭生方煜夫蚤逝陶持服三年服除始歸寧聞有欲奪其志者一日晨起沐浴自經於



母家時年二十三合葬郭生墓右里人多詩文記其事

傅氏劉成章妻年二十五夫卒事繼姑以孝聞辛勤四十年教兩子紅堅處名諸生

李氏雷鳴時妻年十九夫歿撫遺腹子洪聲未幾子又歿撫其孫未幾孫又歿壽至九十六乃終

樂氏胡京妻年僅二十二夫歿守節四十六年而終分巡道旌其廬曰柏舟其節

封宜人郭氏故侍御劉公溪之妻癸未賊陷沔宜人安陸府志

赴水死

卷三五

六

張氏庠生胡進虞妻年二十四夫亡家貧一子又蚤卒氏冰霜自厲者四十年

雷氏庠生蕭維莘妻年十九莘歿一子鳳飛甫離襁褓父兄欲奪其志以歿拒之及氏病幾歿鳳飛年十六割股救母一時母子節孝聞於州縣適寇亂未得旌表

劉氏故孝廉劉元金之母年二十七夫歿元金甫九歲擇師課之未幾元金亦卒劉屏居一室年垂七



十家人罕得窺其面

劉氏罷庠生羅承慈妻年二十夫卒子國綸生僅一月劉守節二十年癸未春賊入沔劉抱夫木主與家人訣賊至索貨財氏罵賊不休遂遇害

謝氏生員周之俊妻年二十八夫卒有子二緇八歲紳六歲氏矢死靡他卽歸寧亦抱夫木主飲食必告者四十餘年課二子爲名諸生卒年六十九

胡氏庠生劉召南妻年二十三夫歿幼子攀龍甫數月撫之成立補諸生胡年九十一卒長子文龍妻

安陸府志

卷五

九

王氏年二十二夫沒王與姑同守節至七十九卒  
姪仁山妻馮氏年二十八夫沒守節今年九十五



景陵縣

翟氏張楚材妻年二十餘夫死守節終身至正間旌  
其閭

王氏吳伯璋妻年二十夫死守節終身至正間旌表  
何氏陶中妻夫亡守節隆慶二年旌其門以子饗贈  
宜人

李氏四川人任高妻高以歲薦授景陵司訓攜妻并  
二女在任隆慶六年陞江西萬載教諭赴任舟宿  
湖中衆賊持刃突入高有二女盜欲污之長女絕

安陸府志

卷三五

三

裾投水次女罵賊被殺李氏亦投水身歿越三日  
屍浮水面交結相抱面如生俱塋景陵有三烈墓  
王氏蕭政妻年十九無子夫歿偕一老嫗紡績自給  
里中巨姓欲計婚之杜門不見其面壽七十八

程氏劉崇文妻年十三未嫁夫歿卽誓不適人請於  
父奠壻成服謁舅姑閉門雖鼠季不相見歲時問  
遺於舅姑舅姑卒俱服三年喪守節六十餘年

陳氏熊維妻年十九嫁維未幾夫歿水漿不入口姑  
再四諭解之始飲食子處壺內至親莫睹心從夫



逝身爲姑畱守節五十八年旌表

唐氏徐同芳妻年十六適徐甫六月夫亾欲以身殉姑拊之始飲泣治喪守節數十年不渝

尹氏陳司徒子盛杭妻年十六而寡足弗踰闕隣火延及其寢姑拉使避之肩鑰弗啟反風滅焰其節烈如此後竟嘔血以歿

吳氏廩生樊伯妻樊歿誓以身殉元夜攜孤拜靈伏地長號竟逝不起閭里哀之公舉其節

高氏生員熊士英妻年二十二夫歿守節撫三歲孤安陸府志  
卷三十五  
主  
兒承序教誨補諸生壽七十餘巡按給匾表曰柏舟自矢

戴氏年十六嫁胡東谷爲繼室撫前妻子三如已出夫歿守制歲儉苦節支持病夢神人噉以梅實卽愈又病思雉膏不獲忽天雨雉烹食亦愈人傳以爲異自二十四而寡七十二而歿冰操如一日

王氏鍾愮妻愮早卒王撫四月孤昭夏守節五十餘年夫兄學憲公惺擬具題請表會惺卒未奏

歐陽氏鍾愮妻愮早卒歐陽與姆王氏同居處茹苦



四十餘年其子陔夏嗣於惺

謝氏生員鍾陔夏妻陔夏二十九亡無子謝散髮築

室墓側撫嗣子鳧承學憲公祀人稱一門三節

戴氏吏部朱一龍繼室年二十封宜人而孀咳聲不

出戶惟繼續自若天啓間程邑侯匾曰柏汎熊和

崇禎時撫按將會題謝曰我命嬾守禮豈煩表揚

命其子貢士泰寧等辭之壽六十七無疾終

沈氏舉人沈應魁妹適蕭瑞蛟甫三月夫亡誓以死

殉屢救方甦痛哭逾年隣姬謀勸他適未敢言也

氏覺其意閉戶經死遺絕命詞於鞋底曰一十八

歲嫁蕭郎誰知蕭郎命不長願與蕭郎同生死

同蕭郎草木香

張氏生員龔則遂妻姑性奇嚴氏孝養備至夫亡訓

子爽成進士痛夫翁弗及見蔬食練服罔改舊風

馳封孺人每憶往時艱難輒淚下壽七十二

譚氏生員譚廣野女適生員李廷謨十九而寡遺腹

未娩欲以死殉翁姑慰之始稍安生子華教誨補

諸生至五旬先母卒氏竟以憂死



鄒氏生員鄒法孔女適生員徐同寅寅偶病篤氏割  
股救甦任邑侯旌曰捐軀仗義後寅再病割股再  
進不愈禱神願代寅竟逝氏矢志守節壬午冬左  
兵下聞變不食而歿其薦亾夫詩曰伏雨暗新穠  
岑屈添悶惱苗禾爲水沒終日傷懷抱兒女累人  
心嗟君離別早但見流螢飛紛紛出腐草蟋蟀吟  
床頭雙雙任自保惟我真薄命陰陽信怎討反眼  
天朦朧和淚連涕道杜鵑血未乾疏紙恹焚藁

譚氏生員徐惟則妻二十七寡苦節自守癸未亂賊  
安陸府志  
逼之不辱被戮歿

卷三十五

三

程氏名夢瑤廣文程以驄女知文字適徐伯榮壬午  
冬左營兵下氏攜女三姑赴水歿媳熊氏復號泣  
從之越五日歿逆流浮出面色如生

吳氏劉芳聲妻年三十無子夫溺歿氏臨河泣七日  
屍浮抱起誓踐同穴撫姑子式穀補諸生其女適  
雙門早寡母氏同守節

譚氏譚必昌女聘徐夔未嫁夫歿誓不再適壬午冬  
左營兵下逼辱不從延頸受戮



朱氏貢生朱泰寧女適川南道胡恒子之驛隨入蜀  
遭寇張獻忠亂恒旣殉難之驛偕母樊氏投河歿  
氏抱三月孤雛亾走艱危萬狀孤我生漸長有欲  
逼嫁者氏刺面斷髮負我生詣南安始得全節攜  
我生赴榮經縣考補諸生嘉定州守吳公獎其烈  
謝氏侍御謝奇舉女適生員熊承序郎節婦高氏子  
一十六夫歿誓不獨生痛姑老同幃守節避寇姑  
被獲請同飲又寇憐其義俱得釋子學詩補諸生  
順治間司李周龍甲錄其貞烈詳直指給匾旌曰

安陸府志

卷五

五

雙節齊芳司李有詩贈焉

樊氏南豐令程欲時母生員程一摸妻年二十夫亾  
事繼姑王孀養無缺撫幼孤欲時及就塾稍嬉遊  
郎引跪夫靈前且撻且泣曰汝不受教我何以報  
泉下人隣族利其產肆飛語誣氏闔戶告神言者  
七日殂癸未賊掠野民竄伏茅舍賊竟無見民某  
夜夢神告曰若輩獲免樊氏力也欲時舉於鄉氏  
痛夫弗獲見有司錄其實申巡按曹公給匾曰節  
矢靡他督學李公匾曰貞芳壽世見今覆請當事



具疏旌表

李氏邑生員劉必悛妻十九于歸隨姑就浣川學署  
孝養備至親執中饋姑飲食非氏手製不啻內外  
肅然人無間言悛卒氏年纔二十四冰蘖自持唯  
以文學道義訓勉兩孤長子翼孫餼於邑爲名諸  
生次子臨孫掇巍科令弋陽順治年貤封孺人迎  
養官署食澹衣麤如平日守節五十年樂善好施  
至老不倦邑侯廉得貞節申請旌表

劉氏生員劉世耀姊也年十歲許字里人王某未適  
安陸府志  
卷三五  
三五  
而某歿氏矢志終身不嫁引一佩刀自隨以拒媒  
妁爲第督理家政數十年如一日晚結茅理佛飯  
心淨域竒節苦行竟以童身老

程氏名匪石生員程純素女適章奏表未暮奏表陷  
賊陣歿程誓棺丹姑遣歸寧在親舍仍饋飲膳舅  
殂奔喪與姑列室而居苦守逾數十年不懈

熊氏名德貞劉霽妻霽苦學抱疾歿氏守志養姑足  
不逾闕者三十餘年

吳氏生員王乾繼室年十八撫前子如已出夫早歿



遺腹生一子苦節自矢辟纊以養舅姑侍疾喪塋  
備盡孝道課兩子成材四十年不倦

王氏生員李佐妻事孀姑甘氏惟謹夫歿氏年二十  
四斷指矢志凜然難犯訓子誣成夫志修族譜置  
義田姑年九十餘邁疾氏祈禱徹夜弗止進士歐  
陽鼎著雙節傳



荊門州

王氏生員夏曰校妻夫亡子幼苦節五十年奉命旨  
建坊表其門曰貞節之門

胡氏楊堪之妻夫亡年二十子甫二歲且有遺腹哀  
痛自經家人強解之適庭前李樹爲夫所鍾愛者  
亦於是年枯氏曰李生吾乃生耳數日枯根發芽  
卒成大樹氏甘貧教子苦節七十年上臺屢加旌  
獎巡方具以上聞奉特旨建坊曰貞節之門

趙氏趙申陽女八歲許聘夏子女問母曰許聘何爲  
安陸府志  
卷三五  
三  
母曰夫妻二人相守終身耳年十五未過夏門聞  
夏子病籲天請代訃至閉戶自經父母解之數四  
卒不免知州表其墓於虎牙關之側曰烈女趙氏  
之墓

劉氏國學劉澤甫女自幼許聘姚子將筭姚子歿自  
經數四而救甦因曰吾無翁兄父母何依乃毀形  
男裝日侍父母側父死族有利其家貲欲他許者  
氏捐貲修堤助餉終不他適奉特旨建坊表其門  
曰荊山完玉



黃氏生員周之楨妻幼事繼姑至孝二十喪夫百端  
求死姑曰汝死義也如藐孤何因苦塊一室與子  
法相依稍長俾就學於叔之翰應恩選授原武令  
法卒撫孫思揚補弟子員年八十奉諭旨旌表曰  
貞節之門

彭氏生員戴妻夫死子幼苦節四十年課子若孫備  
極艱辛上臺旌獎題請建坊

劉氏生員賀學詩妻詩博學嗜酒以三十五歲卒劉  
年少夫六歲詩死劉撲地幾死曰吾有公八十而

安陸府志

卷三五

三六

鰥兩子尚幼吾死公與子俱死矣強起守節力貧  
教子良璧良玉各爲諸生後避賊入山卒於天供  
山之巖時年七十一歲

李氏生員賀伯寅之妻二十七歲夫卒遺孤一歲守  
節終身

賀氏饒賓門妻年二十六歲夫卒遺孤二歲守節終  
身

曹氏聶臣妻年二十九歲柏舟自守子奉章甫二歲  
曹飲冰茹蘖督課加嚴章十六補諸生十九以副



榜入成均七十六乃終

楊氏生員龔兆魁妻娶甫二年夫病以詩示妻云古  
今太陽無私照惟照貞婦片點心夫死無子父母  
年各六十楊氏奉公姑以終夫遺命明惠藩聞之  
高其節孝賜以義田公姑歿後楊亦遂卒里人贊  
之

蕪氏廩生蕪文亮女事姑備盡婦道壬午聞賊警痛  
姑柩在堂星夜治墓甫淺土而城陷矣夫被賊執  
氏囑一婢曰汝善自匿候夫歸吾不願與賊遇也

安陸府志

卷五

三九

從容赴水歿兩月夫歸時方盛暑各屍惟存遺體  
氏面色如生

王氏文抱一妻夫死矢志靡他訓子鳳鳴入庠水蘖  
五十年以節終里人繪像榮之



當陽縣

宋氏李宗濂妻年二十七濂死苦節課子由庠入監  
曾任楚府審理壽五十八歲萬曆庚申卒

王氏邑庠生劉拱辰妻年二十二辰歿守節事繼姑  
克孝萬曆中事聞有司歲給庫銀二兩學使者屢  
旌其門七十三歲卒

羅氏邑庠生張銳妻生子如松一歲而銳歿羅氏年  
二十七守節壽六十一萬曆丙申卒

吳氏汪珮妻珮歿吳氏年二十一守節壽八十六萬

安陸府志

卷五

三

曆壬寅卒

王氏汪銳妻年二十七銳歿家貧無子王氏厲志苦  
守嫁二女無所昵餘蓄以授嗣子以壽終

龔氏蕭宗禹妻半載歿氏矢必歿不食七日卒

劉氏栗春芳妻生子升之甫七日而春芳歿劉氏年  
二十六守節

論曰 朝廷旌表節烈專爲匹夫匹婦發潛德之幽  
光耳傳中所載多扃戶之孀妻窮擔之弱質而赴義  
若渴矢死靡他雖鬚眉尚且愧之亟宜表章以砥頽



俗正風教云

安陸府志

卷五

五